

ხელშეკრულება №3

ქ. თბილისი

21 თებერვალი 2020 წ.

ჩვენ, ხელშეკრულების მონაწილე მხარეები, ერთის მხრივ სს "გეფა" (შემდგომში "მიმწოდებელი") მისი საბითუმო გაყიდვების დეპარტამენტის დირექტორის დავით სულაბერიძის სახით და მეორეს მხრივ სსიპ სიღნაღის მუნიციპალიტეტის ქალაქ წნორის #3 საჯარო სკოლა (შემდგომში "მიმღები"), მისი დირექტორის მ/შ ცისმარ სპანდერაშვილის სახით ვლებთ წინამდებარე ხელშეკრულებას და ვთანხმდებით შემდეგზე:

1. ხელშეკრულების საგანი

- 1.1. მიმწოდებელი ყიდის და მიმღები ყიდულობს მედიკამენტებსა და სამედიცინო დანიშნულების საგნებს (შემდგომში „პროდუქცია“) CPV333600000;
- 1.2. ყოველ კონკრეტულ შემთხვევაში გასაყიდი პროდუქციის ნუსხას, რაოდენობას, ფასებსა და გადახდის ვადებს მხარეები ადგენენ ურთიერთშეთანხმებით, მოწოდებული პრაის-ლისტის შესაბამისად.
- 1.3. შესაბამისი ნაშთების არსებობის შემთხვევაში მიმწოდებელი ვალდებულია თავის ტრანსპორტით საქონლის შეკვეთის მიღებიდან 7 (შვიდი) კალენდარულ დღეში მიაწოდოს მიმღებს შესაბამისი საქონელი.

2. მხარეთა ვალდებულებები

- 2.1. მიმწოდებელი ვალდებულია:
 - მიაწოდოს "მიმღებს" პროდუქცია ხელშეკრულებით განსაზღვრულ ვადაში;
 - მიმღებს გადასცეს ხარისხიანი და რაოდენობრივად უნაკლო პროდუქცია.
- 2.2. მიმღები ვალდებულია:
 - შეამოწმოს პროდუქციის ვარგისიანობა და რაოდენობა გადაცემისას; პროდუქციის მიღების შემდეგ პრეტენზიების წარდგენა აღარ დაიშვება.
 - ხელშეკრულებით დადგენილ ვადაში მოახდინოს მიღებული პროდუქციის საფასურის გადახდა.
 - მიმღები ადასტურებს, რომ მას გააჩნია ყველა შესაბამისი ნებართვა/ლიცენზია, ცოდნა, კვალიფიკაცია, გამოცდილება, უნარ-ჩვევები, კვალიფიციური თანამშრომლები, ინფრასტრუქტურა რათა განახორციელოს პროდუქციის შენახვა და რეალიზაცია.

3. ანგარიშსწორების პირობები

- 3.1. საქონლის გადაცემის მომენტად ითვლება მყიდველისთვის საქონლის მიწოდების თარიღი, რაც დასტურდება მხარეთა შორის საქონლის მიწოდებაზე (გადაცემაზე) სასაქონლო ზედნაღების გაფორმებით (ატვირთვით), რის შემდეგაც მყიდველზე გადადის საკუთრების უფლება პროდუქციაზე და მასთან დაკავშირებული რისკები.
- 3.2. ანგარიშსწორება წარმოებს წინასწარი გადახდის წესით. მხარეები შეიძლება შეთანხმდნენ შემდგომი გადახდის პირობაზე. ამ უკანასკნელ შემთხვევაში გადახდა უნდა განხორციელდეს პროდუქციის მიწოდებიდან 30 დღის ვადაში. მედიკამენტებისა და სამედიცინო დანიშნულების საგნების ფასი შეიცავს ტრანსპორტირების ფასს.
- 3.3. კონსიგნაციით მიწოდებული მედიკამენტებისა და სამედიცინო დანიშნულების საგნების მაქსიმალური ლიმიტი განისაზღვრება 150 (ასორმოცდაათი) ლარის ოდენობით.
- 3.4. შემდგომი გადახდის პირობით მედიკამენტებისა და სამედიცინო ნაწარმის მიწოდებისას (ურთიერთშეთანხმებით), მათი ღირებულების გადახდა ხდება ზედნაღებში აღნიშნული ღირებულებით. გადახდის ვადების დარღვევის შემთხვევაში მიმწოდებელი უფლებამოსილია მოითხოვოს მიმღებისგან მიყენებული ზიანის ანაზღაურება და

პირგასამტეხლო გადასახდელი თანხის 0.1% ოდენობით ყოველ ვადაგადაცილებული დღეზე გაანგარიშებით.

- 3.5. ლარის დეველვაციის (>5%) შემთხვევაში ანგარიშსწორება მოხდება საკურსო სხვაობის გათვალისწინებით, ლარის გადახდის დღისათვის დაფიქსირებული კურსით აშშ დოლართან მიმართებაში.

4. სხვა პირობები

- 4.1. მხარეები ვალდებულია კისრულობენ სრულად აანაზღაურონ ის ზიანი, რომელიც მიადგა მეორე მხარეს მის მიერ წინამდებარე ხელშეკრულებით ნაკისრი ვალდებულების შეუსრულებლობით ან არასრული შესრულების შედეგად.
- 4.2. ხელშეკრულების პირობების შეცვლა შეიძლება მხოლოდ მხარეთა წერილობითი შეთანხმებით;
- 4.3. ყველა იმ პირობის დადგომისას, რომელიც ამ ხელშეკრულებაში აღნიშნული არ არის მხარეები ურთიერთობისას ხელმძღვანელობენ სამეწარმეო ეთიკისა და მოქმედი კანონმდებლობის მოთხოვნათა შესაბამისად;
- 4.4. მხარეთა შორის ამ ხელშეკრულებიდან წარმოშობული ან მასთან დაკავშირებული ნებისმიერ დავა (მათ შორის შეწყვეტა, შესრულება და სხვა) განხილული და გადაწყვეტილი იქნება ურთიერთმოლაპარაკების საფუძველზე, წინააღმდეგ შემთხვევაში დავა გადაწყდება სასამართლოში საქართველოს მოქმედი კანონმდებლობის საფუძველზე.
- 4.5. მხარეები თანხმდებიან, რომ დავასთან დაკავშირებით პირველი ინსტანციის სასამართლოს მიერ მიმწოდებლის სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.
- 4.6. იურიდიული მისამართის, მომსახურე ბანკისა და სხვა რეკვიზიტების შეცვლის შემთხვევაში, მხარეები ვალდებული არიან 7 (შვიდი) დღის განმავლობაში შეატყობინონ ერთმანეთს ამის შესახებ;
- 4.7. ხელშეკრულება ძალაში შედის მისი ხელმოწერის მომენტიდან და მოქმედებს 3 (სამი) წლის ვადით. სამი წლის ვადის გასვლის შემდეგ ავტომატურად მოხდება ხელშეკრულების განახლება იმავე ვადით, იმ შემთხვევაში თუ ვადის გასვლამდე 1 (ერთი) თვით ადრე რომელიმე მხარე წერილობით არ მოითხოვს ხელშეკრულების გაუქმებას;
- 4.8. წინამდებარე ხელშეკრულების ძალაში შესვლის შემდეგ გაუქმებულად ჩაითვლება მხარეებსა შორის მანამდე არსებული ყველა სახის ხელშეკრულება თუ შეთანხმება პროდუქციის მიწოდებასთან დაკავშირებით;
- 4.9. მიმღებს არ აქვს უფლება, მიმწოდებლის წერილობითი თანხმობის გარეშე თავისი უფლება-მოვალეობანი გადასცეს მესამე პირს.
- 4.10. ხელშეკრულების ვადამდე შეწყვეტა შესაძლებელია მეორე მხარისთვის 1 (ერთი) თვით ადრე წერილობითი შეტყობინების გაგზავნით.
- 4.11. მხარეები თანხმდებიან, რომ ხელშეკრულების ნებისმიერი მიზეზით შეწყვეტის შემთხვევაში უნდა შეასრულონ შეწყვეტამდე ნაკისრი ვალდებულებები სრულად და ჯეროვნად.
- 4.12. მხარეთა შორის გაფორმებული ხელშეკრულებით გათვალისწინებული ვალდებულებების შესრულების მიზნით და მათი საქმიანობის სპეციფიკიდან გამომდინარე, მხარეებმა შესაძლოა დაამუშაონ და/ან ერთმანეთს გაუზიარონ რიგი პერსონალური მონაცემები, მათ შორის, განსაკუთრებული კატეგორიის მონაცემები.
- 4.13. ამგვარი ინფორმაციის მიმღებმა პირმა უნდა უზრუნველყოს, რომ მას ჰქონდეს კონფიდენციალურობისა და პერსონალურ მონაცემთა დაცვის სრულყოფილად დანერგილი შიდა წესები/სისტემები, სავალდებულო რეგულაციები, რომლებიც სრულ შესაბამისობაშია/იქნება მოქმედ კანონმდებლობასთან და რომლებიც სრულად გავრცელდება ინფორმაციის დამმუშავებლისგან/გადამცემისაგან მიღებულ ინფორმაციაზე. შესაბამისად, ამ ურთიერთობის თითოეული მხარე (როგორც მონაცემთა დამმუშავებელი/გადამცემი, ასევე უფლებამოსილი/მიმღები პირი და მისი

ნებისმიერი ქვე-კონტრაქტორი) ვალდებულია უზრუნველყოს, რომ მისი საქმიანობა სრულ შესაბამისობაში იყოს პერსონალურ მონაცემთა დაცვის კუთხით არსებული კანონმდებლობის მოთხოვნებთან და ასევე და მკაცრად დაიცვას ქვემოთ მოცემული პირობები:

- 4.14. პერსონალურ მონაცემთა დამუშავება განახორციელოს კანონით განსაზღვრული პრინციპების დაცვით, ხოლო თუ მონაცემთა დამუშავებისთვის კანონი ითვალისწინებს მონაცემთა სუბიექტის, თანხმობას მოიპოვოს/მოპოვებული ჰქონდეს აღნიშნული თანხმობა (წერილობით ან ელექტრონული ფორმით). თანხმობა გაცემული უნდა იყოს ნებაყოფლობით, მკაფიო, მარტივი და გასაგები ენით. ამასთან, ასეთი თანხმობა, დაუყოვნებლივ უნდა იქნას წარდგენილი მონაცემების მიმღებისათვის, ასეთის მოთხოვნის შემთხვევაში.
- 4.15. პერსონალურ მონაცემების დამუშავებაზე უფლებამოსილი/ინფორმაციის მიმღები პირი ვალდებული იქნება:
- 4.16. განახორციელოს მონაცემთა დამუშავებლის მიერ მიწოდებული მონაცემების დამუშავება იმ მოცულობით და ფარგლებში, რაც აუცილებელია მხარეთა შორის გაფორმებული ხელშეკრულებით განსაზღვრული პირობებისა და მიზნების შესასრულებლად ან გათვალისწინებულია კანონმდებლობით ან მარეგულირებლის მოთხოვნით;
- 4.17. დანერგოს ყველა ტექნიკური ან ორგანიზაციული ზომა და განახორციელოს ყველა აუცილებელი ქმედება, რათა აცილებული იქნას მონაცემთა დამუშავებლის მიერ მიწოდებული პერსონალური მონაცემების არაავტორიზებული ან უკანონო დამუშავება, მათი დაკარგვა, განადგურება, დაზიანება, არაავტორიზებული ცვლილება ან გასაჯაროება და შეატყობინოს მონაცემთა დამუშავებელს მის მიერ მიღებული ზომების შესახებ;
- 4.18. მონაცემთა დამუშავებლის თანხმობის გარეშე, არ განახორციელოს მონაცემთა დამუშავებლის მიერ მიწოდებული ინფორმაციის მესამე პირებისთვის გადაცემა (გარდა იმ მესამე პირებისა, რომელთათვისაც მონაცემების გადაცემა აუცილებელია მხარეთა შორის გაფორმებული ხელშეკრულებით განსაზღვრული ვალდებულებების შესასრულებლად და ან კანონის ძალით), ამასთან, ნებისმიერი საფუძველით, მონაცემების მესამე პირებისთვის გადაცემის შემთხვევაში, უფლებამოსილი პირი ვალდებულია მონაცემების გადაცემა განახორციელოს წერილობითი ხელშეკრულების საფუძველზე, რომლის თანახმადაც მესამე პირი და/ან მისი სუბ-კონტრაქტორები ვალდებული იქნებიან მიიღონ ყველა აუცილებელი ტექნიკური ან ორგანიზაციული ზომა და განახორციელონ ყველა ქმედება, რათა აცილებული იქნას პერსონალური მონაცემების არაავტორიზებული ან უკანონო დამუშავება, მათი დაკარგვა, განადგურება, დაზიანება, არაავტორიზებული ცვლილება ან გასაჯაროება;
- 4.19. ნებისმიერი ზიანის/ზარალის ანაზღაურებაზე, რომელიც შესაძლოა მიადგენს მონაცემთა დამუშავებელს, უფლებამოსილი პირის მიერ მონაცემთა დამუშავების თაობაზე ნაკისრი და/ან კანონმდებლობით გათვალისწინებული ვალდებულებების შეუსრულებლობის ან/და არაჯეროვანი შესრულების შედეგად. უფლებამოსილი პირი თანახმაა, აუნაზღაუროს და დაიცვას მონაცემთა დამუშავებელი ნებისმიერი (მათ შორის, არაპირდაპირი) ზიანისაგან (რაც ყოველგვარი შეზღუდვის გარეშე მოიცავს შედეგობრივ ზარალს), საჩივრისგან, ხარჯისგან (რაც ყოველგვარი შეზღუდვის გარეშე მოიცავს იმ ხარჯებს, რომლებსაც მონაცემთა დამუშავებელი გაიღებს საკუთარი უფლებების განსახორციელებლად), იურიდიული პროცესისგან და ნებისმიერი სხვა ვალდებულებისგან, რომელიც ამგვარი დარღვევის შედეგად შეიძლება წარმოიშვას.
- 4.20. ხელშეკრულება შედგენილია ქართულ ენაზე, 2 (ორ) თანაბარი იურიდიული ძალის მქონე ეგზემპლარად.

5. მხარეთა რეკვიზიტები და ხელმოწერები

სს "გეფა"

სსიპ სიღნაღის მუნიციპალიტეტის ქალაქ წნორის #3 საჯარო სკოლა

მის.: ქ. თბილისი, დიდი დილომი-გლდანის
შემაერთებულ მაგისტრალსა და ბელიაშვილის ქუჩის
გადაკვეთაზე (ნაკვ 4/77)
ქ. თბილისი ბელიაშვილის 142
ტელ: 2 91 19 00

მის: ქ.წნორი რუსთაველის ქ.#10

სს "თიბისი ბანკის" მარჯანიშვილის ფილიალი

სს 240413165

ბანკის კოდი TBCBG22

ბანკის კოდი LBRTGE22

ა/ა GE47TB7079136020100017

ა/ა# GE54LB0121127510173000

ს/კ 201991229


ს/კ 240413165

საბითუმო გაყიდვების

დირექტორის მ/შ:

დეპარტამენტის დირექტორი

_____/დავით სულაბერიძე/

_____/ც.სპანდერაშვილი /

